

西藏奏疏序

奏疏是一私樞為重要史料，記錄了個人經辦事件，從政措施，向為史學者所珍視，成為編寫歷史的重要依據。此類著作，有明一代，極為盛行，據《千頃堂書目》集部表奏類，就著錄了四百餘種之多，是超越前代的。例如于謙之《忠肅公奏牘》十卷，馬文升之《馬端肅公奏議》十六卷，沈一貫之《敬事草》十九卷，王錫爵之《王文肅公奏議》二十卷，俱為研究明史的必備參考書。到了清代，屢興文字之獄，並將明代後期奏議列入禁燬之書，使私家著史，視為畏途，於是奏議之書，也很少刻佈。嘉道以後，文禁漸弛，才有林則徐之《林文忠公政書》，姚瑩之《東溪奏稿》等問世，可是有回西藏的奏議，只見有稿本或抄本。孟保的《西藏奏疏》十卷，自刻流傳，不僅罕見，并可謂空前了。

孟保，漢軍兩黃旗人，清道光十八年十月以正紅旗蒙古副都統為駐藏幫辦大臣。十九年十月陞為駐藏大臣。二十二年十一月奉召回京，以海模繼任，二十三年三月又命為駐藏大臣，十月召

西藏奏疏

序

一

回，以琦善繼任。二十四年八月，因前曾任所諾門汗請給外番印照住牧，革去副都統，賞給三等侍衛，在大門上行走，九月又以前隨行借支火藥，革職，十一月又以前自行提用緞匹、銀牌，被參查辦，解赴四川審訊，發往新疆，充當苦差，二十八年扣滿三年，乃自阿克苏釋回。咸丰元年賞三等侍衛為巴里坤領隊大臣，七年由通政使司通政使遷理藩院右侍郎，十月調刑部右侍郎，九年辭任。

孟保雖兩次任命為駐藏大臣，其間并未離藏，故他的奏議起自十九年四月，至二十四年五月先後相連，竟達六年之久，其中最為重要之件，就是道光二十一年九月拉達克森巴番人大頭目倭色爾侵佔藏境，奪據達喇噶爾及雜仁、補仁三處營寨，孟保先派戴倅比喜領藏兵一千三百人往剿

外，又增派藏官及藏兵五百名，兼程前往。二十二年正月攻克幾湯，將倭色爾擊斃，殲大小頭目四十餘名，敵兵二百餘名，餘眾潰走回寨，拉達克頭人及八府部落部長等呈獻軍器，情願投降者八百餘名，收復達喇噶爾等四處營寨，土地一千

西藏奏疏

序

二

七百餘里，邊境肅清。此役收復失地，肯定藩屬關係，是繼廓爾喀兩次入侵後藏，清廷派兵救援，驅逐敵軍，追擊獲勝後，又一次軍事勝利。此部奏議，作了詳盡的記述，實為難得的藏族戰爭史料，其他如十世達賴圓寂，十一世達賴坐床，及廓爾喀貢使妄請將聶拉木、波龍輪流管理，嚴行收飭等，均屬重要事件，詳載書中。

綜覽孟保在藏六年，正處多事之秋，他經辦要務，屢蒙優渥，而其繼任琦善，對於孟保前办諸事，吹毛求疵，加以彈劾，致使充軍新疆，久

西藏奏疏

序

三

乃得釋。而琦善對於藏事，擅改舊規，喪失主權，與孟保功過相比，則判若霄壤了。

今西藏學漢文文獻編輯室，以此書史料價值很高，傳本不多，特與《西藏碑文》同加複印，以余素研藏史，嚆為之序，僅就已見，略述本書概略及著者經歷如上，吳豐培謹識

(一)孟保未見有傳記，茲據清宣宗實錄輯錄其經歷

清代藏事輯要

西藏奏疏

總目錄

卷一

剿辦森巴生番

卷二

籤聖達賴喇嘛

卷三

檄諭廓爾喀國王

卷四

查辦乍了夷務

西藏奏疏

目錄

卷五

操演官兵

卷六

審辦案件

卷七

年班進貢

卷八

哲孟雄部長來藏贈禮

卷九

滿漢官缺

卷十

僧俗番缺

西藏奏疏

目錄

二

西藏奏疏目錄

剿辦森巴生番

剿辦達賴喇嘛

檄諭廓爾喀國王

查辦乍了夷務

操演官兵

審辦案件

年班進貢

哲孟雄部長來藏瞻禮

滿漢官缺

西藏奏疏

目錄

僧俗番缺

西藏奏疏 卷一

剿辦森巴生番

道光二十一年七月十七日奏爲拉達克部落頭人勾結森巴生番搶佔唐古特地方派委番官帶兵前往防堵緣由恭摺奏

聞仰祈

聖鑒事竊查唐古特西北邊界外有拉達克部落與西藏所屬之堆噶爾本地方相連本年四月間據堆噶爾本營官稟報今探得拉達克頭人勾結森巴部落生番共有馬步隊四百餘人以朝雪

西藏奏疏

卷一

剿辦森巴生番

一

山爲名欲來唐古特境內惟其人數過多恐生事端由噶勒丹錫呀圖薩瑪第巴克什轉咨請派番官前往查辦等情前來等隨派前藏戴率比喜馳赴堆噶爾本地方作速設法防範查辦去後嗣於六月二十九日據該戴率稟稱查堆噶爾本等處地方遼闊僅設營官五處向無扼要隘口於該戴率未到堆噶爾本之前有拉達克夷人並森巴生番三千餘人不旬日間已將唐古特所屬之茹妥堆噶爾本二處營官寨奪佔聲稱唐古特所屬之茫玉納山以外均係

西藏奏疏

卷一

剿辦森巴生番

二

拉達克從前所管界址將來務必佔至茫玉納山乃止並將擄掠百姓令其改裝該部落服色使之幫同驅進此時又逼近補仁營官寨地方其勢甚屬猖獗該戴率比喜現在調集各處土兵五百名在於噶爾東地方駐守應請速派番兵前往急行防堵等情等查拉達克森巴生番恃衆奪寨掠民自應派兵前往懾其鴟張隨在後藏江孜各汛揀派弓箭鳥鎗番兵一千名其前藏番兵技藝惟鳥鎗最爲純熟等專派前藏鳥鎗番兵三百名並撥派土兵一千名揀派熟悉軍務之噶布倫策墊奪結及足美策旺班覺爾二員於七月十三日起程帶兵兼站前往分撥堵禦不容再任侵佔督同戴率比喜詳慎妥辦不得顛頂了事航延時日尤不得恃有兵衆輕率僨事所有番弁兵丁軍伙口糧向由唐古特商上辦給亦飛咨噶勒丹錫呀圖薩瑪第巴克什籌辦接濟無令缺乏除俟該噶布倫等到彼辦理如何情形稟覆到日等再行恭摺具

奏於二十一年十月初二日承准軍機大臣字寄

道光二十一年八月二十五日奉

上諭孟保等奏夷匪勾結搶佔派兵防堵一摺拉達克部落頭人勾結森巴生番三千餘人將唐古特所屬營寨奪佔經該大臣等派後藏番兵一千名並前藏烏鎗番兵三百名撥派土兵一千名派員管帶起程分撥堵禦軍伙口糧各行噶勒丹錫喀圖薩瑪第巴克什籌辦接濟均著照所議妥爲辦理又另片奏森巴拉達克部落雖與廓爾喀相近該國近尙安靜等語覽奏已悉另摺奏請緩閱後藏三汛營伍著准其緩至來年秋季再行前往其派員就近查閱及酌撥盤費銀兩分賞物件亦均照議辦理將此諭令知之欽此遵
旨寄信前來

西藏奏疏

卷一

剿辦森巴生番

三

道光二十一年七月十七日片奏臣等訪查得

拉達克迤南有然吉森一大部落其屬有二一曰索熱森一日谷朗森皆其所屬而通呼之爲森巴從前拉達克部長物故後有拉達克本部落頭人暗與森巴勾結將拉達克地方卽被森佔今拉達克頭人復勾結森巴生番來至唐古特地方佔去堆噶爾本姑妥營官寨二處並稱西藏所屬之茫玉納山以外皆係拉達克從前所管界址是其意在得此望彼惟查茫玉納山距藏三千餘里茫玉納山以外距拉達克部落一千七百餘里其森巴拉達克兩部落雖與廓爾喀較近該國近來尙屬安靜謹將查訪森巴情形並各界址謹附片奏

聞

西藏奏疏

卷一

剿辦森巴生番

四

道光二十一年八月初六日奏爲拉達克夷人
森巴生番佔據唐古特邊界現又添派番兵剿
捕並籌辦口糧緣由恭摺奏

聞仰祈

聖鑒事竊前有拉夷勾結森番侵佔藏境經 臣等派委
番官帶兵作速防堵詳慎妥辦各緣由於本年
七月十七日恭摺奏祈

聖鑒在案茲於八月初一日據前委查辦之戴琿比喜
稟稱拉夷與森番因窺唐古特邊界並無扼要
隘口前將茹妥堆噶爾本二處營官寨奪佔今

西藏奏疏

卷一 剿辦森巴生番

五

又逼至補仁營官所屬之噶爾東地方惟該戴
琿比喜到彼僅有所調土兵千餘名分守各營
官寨並在補仁附近緊要處所趕修卡房設法
堵禦無如各處土兵性多畏怯一遇賊衆即行
逃散而前後藏距補仁地方數千餘里所派之
番兵又未到齊賊衆即於七月初六初七等日
聚有二千餘人連將達壩噶爾及雜仁補仁三
處營官寨均爲奪佔當經代琿比喜與賊衆兩
相接仗互有殺傷因土兵不能抵敵該戴琿比
喜隨帶土兵退往茫玉納山附近之札拉山根

駐守惟賊勢猖獗必須添派番兵方足抵禦等
情據稟前來 臣等查前次所調土兵雖有千餘
名今既不得力自應酌添番兵以資堵禦 臣等
除前次派往番兵一千三百名今復揀派如奉
二名甲琿四名定率二十名前後藏番兵五百
名定於八月十三日起程前往並飛飭前次派
往之噶布倫等督兵不分星夜兼程前進相機
設法攻剿 臣等詳查茫玉納山一帶地勢內有
大山數處向在九十月間風雪較大往來行人
不易今所派兵弁除土兵不計外現由前後藏

西藏奏疏

卷一

剿辦森巴生番

六

派去番官番兵共計二千餘名應需口糧必須
在大雪封山之前全行運到若稍有遲誤或被
雪阻運送維艱所關匪細 臣等隨面向噶勒丹
錫喀圖薩瑪第巴克什將現在各營寨所貯青
稞通盤計算共有八萬九千一百克每五克爲
一石合計一萬七千八百餘石統爲運至軍營
足敷派去之番官番兵等九個月口糧之用可
以接至來年春融雪化再爲運送均不爲遲即
或此時另有應行添運之處 臣等再爲酌量情
形辦理惟此時糧石既多所用馱運牛隻爲數

不少若均令商屬百姓出牛運送力有不支將來軍糧必致有誤臣等因就班禪額爾德尼未回後藏隨即咨商將前項軍糧令札什倫布幫同運送旋准班禪額爾德尼咨覆現係軍糧要務情願幫同運送至札什倫布應差之百姓內間有苦寒處所臣等亦商之噶勒丹錫噶圖薩瑪第巴克什酌給銀兩資助以期無誤臣等即將所備口糧揀派妥實番目沿途照料源源督運計至九月內均可運至軍營已在大雪封山之前其軍糧一項尙不致有誤臣等仍當將一

西藏奏疏

卷一

剿辦森巴生番

七

切應行預爲籌辦之件妥籌辦理爲此謹

奏於十月二十日承准軍機大臣字寄道光二十

一年九月十三日奉

上諭據孟保等奏拉達克夷人森巴生番占據唐古特邊界現在添派番兵剿捕並籌辦口糧等語拉夷勾結森番侵占藏境奪據達壩噶爾及雜仁補仁三處營寨經前派查辦之戴琿北喜與賊接仗互有殺傷賊勢猖獗自應添派番兵以資堵禦除前次派往番兵一千三百名外著再行揀派如琿二名甲琿四名定琿二十名前後藏番兵五百名兼程前往飛飭前

次派往之噶布倫等相機設法攻剿所需口糧准其將各營官寨所貯青稞趕於大雪封山之前全行運到軍營毋稍遲誤該大臣等務須妥爲籌辦以期迅速完竣餘著照所議辦理至另片奏乍了大呼圖克圖藉病未回以致往來差使每多阻滯現飭守備謝國泰馳往打箭爐會同糧員王椿源設法開導之處已諭知四川總督委員協同辦理矣將此諭令知之欽此遵

旨寄信前來

西藏奏疏

卷一

剿辦森巴生番

八

道光二十一年九月二十五日奏爲噶布倫等
探明夷賊滋事情形相機攻剿恭摺奏

聞仰祈

聖鑒事竊^臣等前因拉夷森番佔據唐古特地方會將

添兵剿捕並籌辦口糧各緣由於本年八月初
六日奏蒙

聖鑒在案茲據噶布倫策墊等結等稟稱該噶布倫於

八月十八日始抵卓許地方詳細探明該夷賊
滋事情由緣拉達克部落從前與唐古特原相
和好通商因拉達克頭人等希圖唐古特所屬

西藏奏疏

卷一

剿辦森巴生番

九

之堆噶爾本等處地方出產褐子並有金廠隨
勾結森巴番衆以朝雪山爲名闖入唐古特邊
界肆行搶劫侵佔營官寨五處該夷賊仍恃強
前進經戴琿比喜帶領土兵竭力抵敵兩相接
仗殺斃夷賊二十餘名賊目二名唐古特陣亡
番官冲然巴一名土兵十五名該賊始行稍退
現在該夷賊帶有三千餘人佔據補仁地方其
餘佔去之營官寨四處均有賊兵據守各有三
五百名不等防守甚爲牢固該夷賊知噶布倫
到彼卽遞有夷信願與說和但令唐古特許給

銀兩方將賊衆撤回等語噶布倫現在帶兵堵

禦不致再合侵佔惟此時風雪日甚漸有大雪

封山之慮恐一時進兵致被雪阻應如何辦理

稟請查核等情前來^臣等查該夷賊因希圖金

廠侵佔地方現值噶布倫等帶兵查辦尙敢聚

衆備敵復稱令唐古特給與銀兩方肯退回番

衆如此肆無忌憚實屬可惡若各部落依此效

尤何所底止自當示以兵威痛如懲創方可絕

其貪鄙惟據噶布倫稟稱此時茫玉納山附近

現在漸有大雪封山之慮兵難輕進自屬實在

西藏奏疏

卷一

剿辦森巴生番

十

情形但恐耽延日久賊勢愈狂將來剿辦未免
費手^臣等會同噶勒丹錫呼圖薩瑪第巴克什
再四籌商並詳審地勢其茫玉納山原爲進兵
正路既恐雪阻應一面於要隘處所分兵堵禦
設法攻剿一面由麻糸地方繞道徑趨茹妥前
後攻擊可挫賊鋒彼時該夷賊如果知畏求和
再爲酌量情形稟請辦理斷不可許給銀兩了
事有乖體制經^臣等以此兩次嚴飭該噶布倫
等遵照辦理^臣等仍隨時籌酌催辦以期迅速
肅事爲此謹

奏於十二月初十日承准軍機大臣字寄道光二十一年十一月初二日奉

上諭孟保等奏探明夷賊滋事情形相機攻剿一招覽奏均悉該夷賊因希圖唐古特金廠勾結森巴生番侵占地方經噶布倫等帶兵查辦尙敢聚眾據守復稱令唐古特給與銀兩方肯撤回實屬肆無忌憚現據該大臣等詳審地勢一面於要隘處所分兵堵禦一面由麻叅地方繞道徑趨茹受前後攻擊著照所議辦理並著該大臣飭令噶布倫察看情形如該夷賊仍負固不服卽行進兵攻剿痛加懲創不得任意耽延致將來辦理費手如果有求和之意亦斷不准令唐古特給予銀兩將就了事致啟各部落效尤之漸該大臣惟當加意防範相機籌辦以期迅速肅事勿致蔓延是爲至要將此諭令知之欽此遵

旨寄信前來

西藏奏疏

卷一

剿辦森巴生番

十一

道光二十一年九月二十五日片奏再藏屬番兵除春秋二季來藏操演外平日遠居鄉里此次一經調派隨即馳赴軍前惟彼時方值初秋冬衣未及攜往查邊外氣候早寒唐古特兵丁素不耐冷若使露處風雪之中身無禦寒之具將欲驅使難期得力臣孟保臣海模現捐廉製備羊皮衣二千件揀派番官運往飭交噶布倫策墊奪結等分給番兵及隨從餘丁等穿用藉以鼓勵使知奮勉所有臣等辦給番兵皮衣緣由謹附片奏

西藏奏疏

卷一

剿辦森巴生番

十二

聞謹

奏道光二十一年十二月初十日奉到硃批所辦好欽此

道光二十一年十月初十日奏爲特參因差規避之番官戴琫請

旨革職以昭炯戒仰祈

聖鑒事竊_臣等接據噶勒丹錫呼圖薩瑪第巴克什咨

稱前藏番營戴琫工噶丹珍此次拉夷森番滋事

派令該戴琫帶兵前往據稱年老患病稟請

賞假調理或准辭退等語查該戴琫所稟意存

規避應請覈辦前來_臣等查戴琫工噶丹珍前

因博窩軍務在事出力曾蒙

恩賞二品頂戴花翎該戴琫既因年老患病自應早請

西藏奏疏 卷一 剿辦森巴生番 三

開缺何得現有帶兵差使始行辭退顯係有心

規避自未便稍事姑容相應請

旨將戴琫工噶丹珍卽行革職以爲規避者戒查向來

遇有戴琫缺出例應隨時

奏補_臣等體察唐古特人多懦弱遇事疲玩現因

辦理拉達克夷務_臣等會立有賞格如有奮勉

出力者立即記名加賞倘有畏葸不前者查出

從重懲辦定擬各條發交噶布倫策璽奪結等

宣示將隨往各番目按名詳細登記今戴琫工

噶丹珍所遺之缺請暫扣留容俟_臣等於應升

各番目內擇其辦理夷務尤爲出力者擬定正

陪再行請

旨補放以示懲勸爲此謹

奏請

旨道光二十一年十二月二十四日奉到

硃批俱依議行欽此

西藏奏疏 卷一 剿辦森巴生番 四

道光二十一年十一月初四日奏爲攻剿拉夷
森番得獲勝仗收復補仁營寨情形恭摺奏

聞仰祈

聖鑒事竊臣等於本年八月初六日會將拉夷森番占

據藏境派兵剿捕緣由具

奏在案嗣准軍機大臣字寄道光二十一年九月

十三日奉

上諭務須妥爲籌辦以期迅速完竣等因欽此

讀之下仰見

聖訓周詳不勝欽感之至等當卽疊次嚴飭噶布倫

西藏奏疏卷一剿辦森巴生番

五

策墊奪結等迅速進剿茲於十月二十八日接
據該噶布倫來稟內稱夷賊前將補仁營官寨
占據揚言求和暗爲逼進噶布倫遵諭設法抵
拒該夷賊退至補仁所屬之噶爾東地方堅守
以阻我兵進路賊寨高踞半山旁無進路惟正
面大路一條勢極陡險噶布倫等一面在前攻
擊一面暗撥精壯兵丁由山後取路潛進從上
壓下背腹夾攻於九月二十六日開仗自寅至
未殺斃森番九十五名生擒八十六名又擒獲
入底部落纏頭同子三名拉夷一名並將賊寨

所存糧草軍械盡行奪獲唐古特番土兵丁陣
亡十三名並陣亡噶布倫屬下之卓呢爾策忍
達爾結一名帶傷甲奉札喜朗甲一名帶傷番
土兵丁十七名所有噶爾東險要處所及補仁
營官寨已經收復並捉獲森番奸細四名據稱
補仁迤東二百餘里幾湯地方夷賊新築番寨
四面建立碉房均係三層上有垛口下挖水濠
寬深丈餘礮寨四面每面設有大礮二尊小礮
八九尊不等內有拉夷森番及纏頭同子五百
餘名在彼把守極其堅固並探得所有賊衆數

西藏奏疏卷一剿辦森巴生番

六

千均聚於檔拉地方紮有大營以備應援與噶
爾東補仁地方均各有路可通噶布倫隨派番
目帶領番兵一千一百名前往堵截斷其接應
惟現在軍營之兵堵禦各處未免兵分勢弱懇
請添兵千餘名並請撥運礮位數尊以資攻擊
等情臣等於噶布倫尚未進兵之時酌量情形
亦恐兵有不敷先已咨商噶勒丹錫呼圖薩瑪
第巴克什預調唐古特各世家騎馬土兵一千
二百五十名於十月十五日均已調齊來藏茲
據該噶布倫稟請添兵隨將所調騎馬土兵令

於十月二十九日分撥前赴軍營至該夷賊新修碉寨高聳堅固自非大礮轟擊不能攻取現據噶勒丹錫呼圖薩瑪第巴克什咨稱布達拉山上所存礮位年久彫朽不堪使用臣等隨將藏營所存劈山大礮二位已交此次騎馬兵隊運往臣等查該噶布倫進兵攻剿卽殲斃生擒一百八十餘名收其險要克復補仁雖幾湯地方賊寨堅固一時難破俟前項礮位解到應不至費手臣等現又札諭噶布倫雖將補仁營寨收復但該賊匪占據唐古特地方計已一千七

西藏奏疏

卷一

剿辦森巴生番

七

百餘里其餘營寨四處自應就此獲勝一鼓作氣設法進攻以期及早全行收復毋使觀望耽延等諭嚴飭去訖臣等仍當欽遵

聖諭不時督催迅速辦理爲此謹

奏於二十二年正月十七日承准軍機大臣字寄

道光二十一年十二月十一日奉

上諭孟保等奏攻剿拉夷森番得獲勝仗收復補仁營寨情形一摺前因拉夷森番占據藏境經該大臣等奏請添兵進剿茲據奏稱嚴飭噶布倫等進兵攻剿殲斃生擒賊匪多名收其險要克復補仁營寨惟該

匪占據唐古特地方計已一千七百餘里其餘營寨尙多必應趁此獲勝之後一鼓作氣設法進攻以期全行收復所調唐古特騎馬土兵著卽分撥前赴軍營並將藏營所存劈山大礮交該兵隊運往以資攻剿毋稍遲延將此諭令知之欽此遵旨寄信前來

西藏奏疏

卷一

剿辦森巴生番

八

道光二十一年十二月十七日奏爲殺斃首惡擒獲賊目恭摺奏

問仰祈

聖鑒事竊臣等前將攻剿森番得獲勝仗情形於道光

二十一年十一月初四日奏蒙

聖鑒在案臣等伏查賊匪情形人甚詭詐善擇地勢該

賊在幾湯地方新築碉寨據守甚堅不但阻拒

進兵要路且爲逐漸內侵之計臣等相度機宜

應就此時大雪封山之際賊匪不致分竄設法

剿除但恐該噶布倫等於緩急未當若使賊勢

西藏奏疏卷一剿辦森巴生番

九

蔓延將來剿捕更爲費手經臣等疊次札催並

揀派妥實員弁前往諭令該噶布倫等作速進

兵並查訪現在實在情形去後茲於十二月初

八日據噶布倫策墊等結及足美策旺班覺爾

戴琿比喜等差人報稱噶布倫等遵奉密諭疊

次攻擊幾湯碉寨該賊施放大礮不能前進於

十月十三日該噶布倫等探有森巴大頭目倭

色爾由檔拉地方帶領三千餘賊距補仁相近

之格登地方紮營十四日該賊暗遣賊目免森

等帶領賊衆阻斷我兵取水之路經該噶布倫

揀派碩第巴策墊等帶兵殺斃賊目免森等七

人該賊倭色爾復派賊衆前來截殺經番兵抵

拒殺斃夷賊十六名餘賊退回未經斷絕我兵

取水之路二十一日賊分五隊復來接仗又殺

賊三十六名陣亡番兵九名該賊目倭色爾因

疊次對敵不能獲勝自帶賊衆欲往幾湯新寨

與賊目他拉漫達爾會合一處搶占多玉地方

以便阻我軍糧經噶布倫探聞此信卽派官兵

於夜間趕往多玉地方先爲搶占派令戴琿比

喜在彼駐守並探得森巴賊目倭色爾帶領賊

西藏奏疏卷一剿辦森巴生番

辛

衆已由格登拔營前進該賊差派拉達克頭人

谷朗堪及拉達克之商卓特巴工布前至補仁

詐稱說和以爲內應經噶布倫看破賊情一俟

該賊來至補仁隨將谷朗堪及商卓特巴工布

立時拘拿訊據該賊等供認係奉森巴大頭目

倭色爾差訪官兵虛實賊人谷朗堪卽係拉達

克頭人勾結森巴滋事之人該賊身大力強恐

其逃走當卽斷其脛骨現在囚禁其隨從餘賊

亦皆正法二十八日森巴賊目倭色爾移至多

玉附近之扛日米木納地方於二十九日來至

多玉兩相對敵經戴琫比喜截殺殲斃夷賊六十二名奪獲大礮一尊賊匪始退陣亡前後藏定琫五名番兵八名帶傷番兵十八名惟賊勢潑猛仍欲占據多玉彼時連日大雪深積數尺該噶布倫隨就隱僻之地暗設伏兵排列槍隊中間故留一路容賊前進果於十一月初二日辰刻有幾湯新寨賊衆與森巴賊目倭色爾會合一處分爲三隊執旂鳴鼓來至多玉經戴琫比喜帶兵拒敵暗發號令我處伏兵驟起斷其後隊四面加攻森巴賊目倭色爾身中槍傷復

西藏奏疏

卷一

剿辦森巴生番

三

敢持刀撲上我兵奮勇上前於是日午刻將森巴頭目倭色爾殺斃即將該賊首級割取並殺斃大小賊目四十餘名賊匪二百餘名餘賊見頭目既誅紛紛潰散並奪獲連架大礮一尊大鐵礮一尊大旂六桿鳥槍短刀藤牌等件未計其數隨有跟從森巴賊目倭色爾打仗之拉達克頭人八果噶隆諾諾四郎及八底部落部長阿木爾沙父子等呈獻軍器情願投降現在均各拘禁補仁營寨俟查点明確再行稟請辦理此外尚有森巴賊目餘賊逃往賊寨現在設法

追拏今先將森巴頭目倭色爾首級揀派噶布倫策墊奪結之子彭錯奪結及噶布倫足美策旺班覺爾戴琫比喜之業巴並噶厦通事丹增郭結等押解來藏赴轅呈驗等情等查森巴賊目倭色爾係索熱森部落大頭人該賊蠶食侵占邊外大小部落無不受其荼毒該處總部長均亦畏其強橫今復聚衆搶占唐古特營寨數處實屬渠魁經臣等將該賊倭色爾首級驗明後號令通衢示衆以彰

國法所有在藏貿易各部落番民觀看無不稱快

西藏奏疏

卷一

剿辦森巴生番

三

至勾結森巴滋事之拉達克頭人谷朗堪及八果噶隆諾諾四郎八底部落部長人等客俟解赴來藏再爲審明辦理等已札飭噶布倫及戴琫比喜等此時達噶噶爾等四處營寨夷賊多寡虛實尚未得確令其進兵一切尤當較前留心毋因獲勝稍涉大意尤不得遷延時日子賊有修備之暇等諭去訖等惟有欽遵聖諭仍不時督飭該噶布倫等及早藏事以期仰副皇上綏靖邊陲之至意二十二年二月二十九日奉到硃批所辦甚好欽此道光二十二年正月二十三日內

開奉

上諭孟保等奏攻剿森巴番夷殺斃首惡一摺森巴大頭目倭色爾蠶食侵占邊外大小部落實屬強橫茲復帶領賊衆搶占唐古特營寨數處並敢屢次抗拒官兵洵爲此案渠魁現經該大臣等札飭噶布倫等帶兵四面夾攻將倭色爾殺斃又殲斃大小賊目四十餘名賊匪二百餘名餘賊紛紛潰散逃往賊寨並據拉達克頭人及八底部長等呈獻軍器情願投降所辦甚好著該大臣等卽將逃散賊匪設法追拏搜剿淨盡務使不留餘孽仍督飭該噶布倫等將達壩

西藏奏疏

卷一

剿辦森巴生番

三

噶爾等四處營寨夷賊探明多寡虛實進兵剿捕及早蒞事至此大攻剿出力官弁著卽查明據實保奏候朕施恩欽此

道光二十二年三月初八日奏爲攻克幾湯賊寨已將達壩噶爾等四處營寨地方全行收復現在邊境肅清恭摺奏

聞仰祈

聖鑒事竊臣等於道光二十一年十二月十七日曾將

殲斃首惡擒獲賊目情形恭摺具

奏在案臣等以首惡既誅餘賊毋令逃逸務使剿

除淨盡免致將來零匪別生事端至幾湯地方

夷賊拒守進兵要路尤應及早攻克以期迅速

肅事臣等不時札飭該噶布倫等遵照妥辦茲

西藏奏疏

卷一

剿辦森巴生番

四

於本年二月二十九日據噶布倫策墊奪結等稟稱前在多玉地方將森巴賊首倭色爾殲斃後賊衆潰散經官兵分捕其被殺落崖賊匪不計外現在查明投降者共計八百三十六名並掣獲森巴賊目熱伊森等十三名前已派番目陸續解起來藏此時幾湯新寨賊勢已孤噶布倫乘勝圍擊該賊衆仍恃碉房堅固四面設有大小夷砲據守不出我兵疊次攻打均被夷賊放砲抵拒噶布倫等僞作退兵乘夜揀派精壯兵丁潛過幾湯賊寨並於各隘口分兵堵截所

有運糧賊匪盡被我兵殺斃兼之天降大雪九日夜夷賊糧盡欲往降納沃爾地方逃避適值前請藏營劈山大砲催運到營噶布倫當卽帶兵將幾湯新寨圍繞乘勢轟擊立時打破碉寨西面一角賊衆紛紛驚潰出寨抵死拒敵我處多備槍兵奮勇撲攻殺斃夷賊三百餘名當將幾湯賊寨攻破奪獲夷砲藤牌短刀等物七百餘件並救出從前捆去之補仁營官吉買巴一名經該賊將吉買巴埋在地中僅露其首當卽創出詢悉該營官於七月間據守補仁營寨時

西藏奏疏

卷一

剿辦森巴生番

雲

卽被森番捆去每日拷問進取前後藏路徑並藏中金銀多寡情形該營官並未敢以實告遂於八月間卽將該營官吉買巴埋於幾湯新寨地內日間惟少與飲食至今幸未殞命但已羸瘦不堪現在軍營調養至幾湯逃逸餘賊均被我兵追至降納沃爾地方殺斃夷賊五十二名割取左耳首級來營夷賊馬匹軍械等件亦俱奪獲又經噶布倫足美策旺班覺爾帶兵在奪撒朗一帶山溝內搜捕殺斃餘賊一百四十八名現在幾湯夷賊淨盡立將夷賊所築新寨拆

毀噶布倫遂帶兵前進因堆噶爾本爲各營寨適中要地噶布倫策墊奪結督兵駐紮此地其達堪噶爾雜仁茹妥三處派有戴琿比喜及番目錯谷扛青巴等帶兵分剿所有經過沿途寨落均有夷賊據守凡係拉達克八底之人無不望風投降降惟森巴夷賊尙復恃強抗拒殺斃森番一百餘名始將堆噶爾本地方收復至達堪噶爾雜仁茹妥三處亦據戴琿比喜及番目錯谷扛青巴等稟報探得餘賊俱在們策地方且該處爲賊存糧之所番目等帶領兵丁冒雪前

西藏奏疏

卷一

剿辦森巴生番

雲

進已將們策地方占據惟該賊將所存糧草均雜以穢土帳房器物亦俱燒毀賊匪遁逃經番目等分兵窮追趕至甲納沃山等處殺賊一百九十七名隨將達堪噶爾雜仁茹妥三處營官寨地方亦俱收復又搜至香則地方將逃逸餘賊殺斃一十七名擒獲賊目木卡達木等五十五名一併妥禁此時已將堆噶爾本等四處營寨全行收復此外各處並無餘賊等情由噶布倫等馳報前來等伏查森番恃其強橫勾結三部落賊匪數千之衆侵占唐古特營寨地方